



Broj: 10/E-11-4981/22
Sarajevo, ~~14-09-2022~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj 39/14) (u daljem tekstu: Zakon), člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), a na prijedlog Komisije za nabavku roba, usluga i radova I (u daljem tekstu: Komisija I), u postupku javne nabavke za izvođenje radova na ugradnji sekcioničkih i priključnih ventila na lokalnom vodovodu Nahorevo – Klanice, putem otvorenog postupka javne nabavke, uz primjenu e-aukcije (Zapisnik o pregledu i ocjeni ponuda broj: 10/E-11-4981/22 od 07.09.2022. godine), Opštinski načelnik d o n o s i

ODLUKU O IZBORU NAJPOVOLJNIJEG PONUĐAČA

- I. Prihvata se ponuda ponuđača „**HYDRA**“ d.o.o. Sarajevo, Lužansko polje bb, 71 210 Ilidža - Sarajevo, broj: 226-P/22 od 02.09.2022. godine, za izvođenje radova na ugradnji sekcioničkih i priključnih ventila na lokalnom vodovodu Nahorevo - Klanice, putem otvorenog postupka javne nabavke, uz primjenu e-aukcije, u ukupnom iznosu **63.973,00 bez PDV-a**, odnosno u iznosu **74.848,41 sa PDV-om**.
- II. Izabrani ponuđač je dužan dokaze iz tačke 7.1., podtačka 7.1.3. TD (Lična sposobnost), u skladu sa članom 45. Zakona o javnim nabavkama, dostaviti najkasnije u roku od 5 (pet) dana od dana prijema ove Odluke na Protokol Ugovornog organa (originalne ili ovjerene kopije).
- III. Odluka će se objaviti na web stranici Općine Centar, www.centar.ba, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama BiH.

O b r a z l o ž e n j e

Postupak za javnu nabavku za izvođenje radova na ugradnji sekcioničkih i priključnih ventila na lokalnom vodovodu Nahorevo - Klanice, putem otvorenog postupka, uz primjenu e-aukcije, pokrenut je Odlukom Opštinskog načelnika o pokretanju postupka javne nabavke putem otvorenog postupka, broj: 10/E-11-4981/22 od 08.08.2022. godine.

Obavještenje o nabavci broj: 848-1-3-157-3-94/22 objavljeno je dana 09.08.2022. godine na Portalu E-nabavke, shodno članu 36. stav (1) Zakona o javnim nabavkama BiH.

Procijenjena vrijednost javne nabavke bez PDV-a iznosi 64.000,00 KM.

U roku za predaju ponuda koji je određen tenderskom dokumentacijom (05.09.2022. godine do 12:00 sati), na adresu ugovornog organa dostavljene su dvije ponude i to od ponuđača: 1. „MIMAS-ING“ d.o.o. Sarajevo i 2. „HYDRA“ d.o.o. Sarajevo.

U skladu sa članom 63. Zakona o javnim nabavkama BiH, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane je cijena ponuda, kako slijedi:

R/b	Ponuđač	Ukupna cijena bez PDV-a	Popust	Ukupna cijena u KM sa PDV-om
1.	MIMAS ING" d.o.o. Sarajevo	63.918,00 KM	-	74.784,06 KM
2.	"HYDRA" d.o.o. Sarajevo	63.973,00 KM	-	74.848,41 KM

Nakon izvršenog javnog otvaranja ponuda, na zatvorenom sastanku Komisija I je pristupila detaljnoj analizi dokumentacije priložene uz ponude u smislu provjere njihove potpunosti i ispravnosti, kao i usklađenosti sa zahtjevima ugovornog organa iskazanim u tenderskoj dokumentaciji.

Naime, Komisija I je uvidom u dostavljene ponude utvrdila da ponuda ponuđača „HYDRA“ d.o.o. Sarajevo ispunjava formalno-pravne, ekonomske i tehničke uslove odnosno zahtjeve ugovornog organa iz tenderske dokumentacije te da je postavljena ponuda prihvatljiva. Također, Komisije I je ustanovila da ponuda ponuđača „MIMAS-ING“ d.o.o. Sarajevo ne ispunjava uslove za kvalifikaciju, odnosno da nije potpuna iz razloga što ponuđač u ponudi nije dostavio tražene dokaze o ispunjavanju uslova iz tačke 7.4. Tehnička i profesionalna sposobnost, podtačka 7.4.1. pod b).

Naime, tačkom 7.4. podtačka 7.4.1. pod b) tenderske dokumentacije definisano je da ponuđač, za učešće u postupku javne nabavke, mora posjedovati tražene certifikate za predmetnu nabavku ili ekvivalentne certifikate koje odgovaraju traženom opisu iz priloga TD za stavke 9., 10. i 11. (Aneks 2a. Obrasca za cijenu ponude – radove). Tenderskom dokumentacijom definisano je da se dokaz za tačku 7.4.1. pod b) dostavlja u formi izjave na memorandumu ponuđača da posjeduje tražene certifikate (ili ekvivalentne certifikate) za predmetnu nabavku ispunjava uslove iz stavke 9., 10. i 11. u Aneksu 2a. Obrasca za cijenu ponude – radovi. Izjava mora biti ovjerena i potpisana od strane ovlaštenog lica ponuđača. Uzevši u obzir činjenicu da ponuđač „MIMAS-ING“ d.o.o. Sarajevo u ponudi nije dostavio tražene dokaze koji su u skladu sa zahtjevima iz podtačke 7.4.1. pod b) tenderske dokumentacije, čime nije ispunjen zahtjev iz naznačene tačke tenderske dokumentacije, ponuda je odbačena u skladu sa članom 68. Zakona o javnim nabavkama BiH.

Slijedom prednje navedenog Komisija I je iz daljeg postupka ocjene i evaluacije ponuda isključila ponudu ponuđača „MIMAS-ING“ d.o.o. Sarajevo, a o razlozima isključenja navedeni ponuđač je obaviješten dostavom dopisa broj: 10/E-11-4981/22 od 07.09.2022. godine u kojima su pobliže navedeni razlozi za odbacivanje ponuda u smislu Zakona o javnim nabavkama BiH.

Tenderskom dokumentacijom je predviđeno provođenje e-aukcije.

S obzirom na to da je za predmetnu nabavku dostavljena samo jedna formalno-pravno, tehnički i ekonomski ispravna i prihvatljiva ponuda postupak javne nabavke se okončava u skladu sa članom 69. Zakona, bez provođenja e-aukcije shodno odredbama člana 3. stav (3) Pravilnika o uslovima i načinu korištenja e-aukcije („Službeni glasnik BiH, broj 66/16).

Komisija I je izvršila i računsku kontrolu dostavljene formalno-pravno, tehnički i ekonomski ispravne i prihvatljive ponude i pri tome nije pronađena niti jedna računska greška.

Cijeneći sve prednje navedeno Komisija I je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

Ponuđača „HYDRA“ d.o.o. Sarajevo, Lužansko polje bb, 71 210 Ilidža - Sarajevo, broj: 226-P/22 od 02.09.2022. godine, za javnu nabavku izvođenja radova na ugradnji sekcioničkih i priključnih ventila na lokalnom vodovodu Nahorevo – Klanice, u ukupnom iznosu **63.973,00 KM bez PDV-a**, odnosno **74.848,41 KM sa PDV-om**.

Opštinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije, te je odlučeno kao u dispozitivu Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. Zakona.

Naknada za pokretanje žalbenog postupka iznosi 800,00 KM u skladu sa članom 108. stav (1) tačka b) Zakona.

Žalba se podnosi u dovoljnom broju primjeraka, a koji ne može biti manji od tri.



OPŠTINSKI NAČELNIK
Srđan Mandić

Prilog: Zapisnik o pregledu i ocjeni ponuda
broj: 10/E-11-4981/22 od 07.09.2022. godine

DOSTAVITI:

1. „HYDRA“ d.o.o. Sarajevo, Lužansko polje bb,
71 210 Ilidža - Sarajevo
2. „MIMAS-ING“ d.o.o. Sarajevo, ulica Džemala
Bijedića broj 185, 71 000 Sarajevo
3. Služba za stambene i komunalne poslove –
Odsjek za komunalne poslove
4. Kabinetu općinskog načelnika - Odsjek za
javne nabavke
5. Službi za finansije
6. Arhivi